

皇朝詞林典故

卷三十五

之三十六

PL
2548
C55
1887
V.20

LIBRARY
MAR 21 1975

明詞林典故卷三十五

藝文

詩

初直

起居注館紀

彭宣求

祕製圖書重

皇朝詞林典故卷三十五

藝文

詩

初直

起居注館紀

恩

彭寧求

祕籙圖書重。

西清典領專來遊。皆碩彥。參選必名賢。

曳珮

螭坳上抽毫

鳳展前。瞻依知

日近。出入被

恩偏。每啟琉璃匣。頻題翡翠箋。曉趨聽玉漏。

晝直視花磚。地分誠清切

天威倍恪虔。顧慚收陋質。獨

許綴微員。蓬省居應忝。葵心矢白堅。退朝惟

散秩。入署卽懷鉛。龍尾初聯步。鴛班

喜並肩。

大鈞施冶鑄。薄植荷

雕鐫。竊沐良深矣。攸司尙慎旃。承明多暇晷。

還頌慶雲篇。

暢春園書扇蒙

賜筆墨恭紀五首

孫岳頌

別館深居西郭遙。水迴山抱建霞標。

卿雲遍擁林巒秀。佳氣中含景物饒。

避暑暫違

青瑣闥。封章仍奏

紫宸朝。承

恩宣名趨蹌急。何意層層厯絳霄。

不施丹雘去珍奇。堦土茅茨宛在茲。
瀟灑迴無塵可到。靜深惟有鳥應知。

五絃解阜薰風動。萬彙榮昌

湛露滋。

御膳賜來還飽飫。遙聞仙漏出花遲。

鳳舞龍飛仰

御書臨池真媿奉

宸輿。扇分斑竹千竿秀。畫展湘江八景餘。放

眼山林神澹遠。寄情花鳥筆蕭疎。恭

題祇覺難相副。珍重應憐腕未舒。

誰云烏玉久如新。漫說蒙恬造自秦。

詎似龍香調

御墨寧同翠羽飾。湘筠會磨端石承零露。好

寫藤箋絕點塵。從此茅齋增氣象。祥
光隱隱麗三辰。

寶玉何如翰墨林。西園東壁盡球琳。

仰承

聖主崇文意。益勵儒臣報國心。

禁地忽來真異數。芳園獨到可微吟。他

時追憶曾遊處。祇向鈞天夢裏尋。

奉

命教習庶吉士示同館

陳元龍

五雲多處舊橫經。三十年來鬢已星。
領袖清班真忝竊。楷模羣彥愧儀型。
官同山岳千尋峻。人到蓬萊萬選青。
莫負

聖朝培養意。他年相待上槐廳。

諸公濟濟盡時英。肅拜登堂誼不輕。
君命欲儲公輔器。師資難副友生情。聲華一
代文章重。品誼千秋竹帛明。正好三
冬窮萬卷。休嫌五夜對孤檠。

庭前靈鵲噪空枝。起倚迴欄有所思。
共想花開全盛日。須知釀就最寒時。
清如冰玉從來冷。堅似喬松詎可移。

綸閣巖廊皆舊學。何人不憶鳳凰池。

慧業文人鍊骨仙。多從冰雪結因緣。

能甘寂境才方老。不坐空山道未堅。

青簡憑誰堪不朽。紫霄有路敢爭先。

他山頑石虛磨礪。恰喜初陽氣已旋。

初入翰林院卽事

顧圖河

蓬山深處靜無譁。蕭朗槐廳掃落花。

日影風聲皆典故。井闌亭角也清華。
官供載筆無餘事。吏報頒書當坐衙。
莫信外人嫌冷淡。老夫鉛槧舊生涯。
乾清門侍班親承

顧問恭紀二首

顧圖河

宮壺纔聽絕更籌。金碧觚稜曉色浮。
雉尾齊分龍尾道。紅雲長護翠雲裘。
年

皇朝詩林典故 卷三十五
年仁壽懸青鏡。旦旦光華上采旂。

日角珠庭驚在望。却容身到

右螭頭。

初穿

豹尾直金鋪。漸識

龍香近

御鑪。柱下依班長鵠立。

座前轉對每風趨。

神光照處增威重。

口敕宣時卽典謨。親見

勲華紆顧問。愧無才術報唐虞。

臘月二十四日蒙

恩擢掌院學士兼禮部侍郎恭紀二首

揆敘

西清嚴祕近

宸居。

簡命驚傳鎖印餘。官向南宮分爵秩。身當東

壁掌圖書。規隨敢望追前輩。

繼韓宗伯之後

模範猶欣得大儒。

與吳少宰同拜

命却憶

三難真重寄。五雲深處獨躊躇。

仰蒙

特達已頻遷。得廁詞垣只六年。久愧金門稱
大隱。忝叨玉署領羣仙。

國恩詎僅文章報。庭訓無忘清白傳。夙夜更
須勤努力。免教日影過花顛。

賜普洱茶恭紀

勵廷儀

曾

賜雲龍一品蟬。玉堂佳話記當年。月團再拜

薰風後。雀舌休誇穀雨前。旋拾松花
添活火。試烹瓦鼎泛新泉。煩襟未信
清如許。習習涼生六月天。

奉

命供奉

南書房恭紀

張廷玉

箕裘弓冶不勝任。又許鷦鷯託

上林兩世直廬

明主澤廿年書局老臣心。山樗敢望依神苑。

土鼓偏教傍

帝琴。慙聽六宮人盡說。蘇瓌有子荷

恩深。

恩賜

御書傳經堂扁額恭紀二首 張廷玉

篤素長瞻

御墨懸

臣父昔年蒙

賜篤素堂扁額

蓬門輝映總雲烟。

何期

豹尾追隨日。又是

龍光拜

賜年。奎壁麗天光。燠爛蛟螭出海勢。盤旋敢

云堂構能無忝兩代

恩榮奕禩傳。

捧持

義畫出宮庭。風雨聲從落筆聽。毳幕榮光輝
紫塞。墨池香霧繞朱櫺。

天書豈獨工三體。臣志還期守一經。報
國承家深自勵。編摩常對夜藜青。

恩賜赤色馬駒一匹恭紀二首

張廷玉

名駒

特錫荷

恩光。骨相權奇本驪驪。喜傍

鑾輿行蹀躞。更煩

天語問調良。

臣乘

恩垂問曰。此馬果循良否。

賜馬隨行。蒙

朱髻疑染桃花汗。赤喙猶含苜蓿香。

應有空羣千里志。馳驅常願侍

君王。

名重

天閑孰與齊。好裁宮錦作障泥。牽來霧

噴黃金勒。行處風生碧玉蹄。隨

輦新從沙磧外。趨

朝常過

月華西。自慚驚鈍承。

恩澤。伏櫪無勞顧影嘶。

甘霖普降

特召大學士內廷翰林

圓明園泛舟恭紀

張廷玉

帝念民依禱祀虔。應時甘雨潤桑田。

天心默與

宸心合。並慶三農大有年。

烟波渺渺泛輕航。蘋末風生六月涼。

此景祇從圖畫見。十洲三島水中央。

秋禾廣種夏苗滋。正是歡騰蔀屋時。

聖主與民同樂意。詩成先許近臣知。

蘭橈徐轉濕雲開。

天上恩波任溯洄。拜誦

龍章增怵惕。作舟深愧濟川才。

扈從塞外蒙

恩特賜

御書澄懷二大字恭紀二首 張廷玉

琳琅寶氣出華林。

羲畫

堯文重古今。久沐

恩波依

帝座更將止水勵臣心。

宸毫直並雲霞麗。

聖澤真如江海深。簪筆幾人叨異數。同時拜

舞

禁庭陰。

時內廷翰林七人同拜御書之賜。

傳經

天語昔欽承。

曾蒙賜傳經堂額

恩

又對澄懷永服

膺蓬華高騰千丈燄。姓名難稱一條

冰。家聲清白期無忝。雅量汪洋愧未

能。竊願洗心遵

聖訓。何時道岸許先登。

奉

命兼攝翰林院掌院學士事恭紀二首

張廷玉

抱書簪筆侍花磚。忝竊詞曹二十年。
鎖院掄才收玉筍。深宮退直徹金蓮。
已從畫省司三禮。又向瀛洲領衆仙。
喉舌腹心天下寄。一身兼秩荷

恩偏。

回憶先臣典石渠。白頭猶掌紫泥書。

閣中藜火光仍在。窗外槐枝蔭有餘。

臣父掌院事先後十餘年曾種槐十八株於院署今成喬木矣。弓治

承家慙任重。餅壘溢量愧才疎。鳳毛

曾荷

天褒寵。欲繼超宗遜不如。

昔年臣父告歸時上在藩邸

賦詩寵行。有喜有鳳毛成五色。相將阿閣舊巢居之句。

畫塞外花卉七十種蒙

恩題

御製詠山藍翠雀花五言絕句於卷首恭紀

二首

蔣廷錫

三年扈

蹕攬芳華。五色圖成百種花。聚散非烟亦非
霧。從橫如錦復如霞。幸同草木居

恩地。敢望徐黃是作家。共慶疆隅通異域。南

皇朝詩林典故 卷三十三
方新狀漫爭誇。

鷺溪喜拜

賜雲章。映日驪珠拂袖光。展卷已驚槐影動。

開籤先覺墨花香。一篇斷句堪驅杜。
三折藏鋒不數黃。從此山藍與翠雀。

自

天題品冠羣芳。

聖駕駐蹕密雲

賜觀

御書大學全部敬賦

蔣廷錫

晴雲五色連長麾。涼風霏霏吹墨池。

白檀山下駐

黃幄。

天心行健無息時。

手書大學二千字。寸幅初展光陸離。精微遠

契義帝畫。古樸直邁响嶺碑。懸崖邃

谷起鸞鳳。折波奔浪騰蛟螭。古傳鍾

王僅驅使。下至唐宋真糠粃。循環百

遍究深妙。淺識未得窺毫釐。侍從相

顧驚讚歎。

小臣

稽首拜獻詞。大學遺

書出戴記。經文孔子傳子思。化成天

下始家國。功由誠正。先致知。帝王統
要。悉包舉。古今大道。相扶持。教兼內
外。通上下。聖賢之本。仁義基。吾
皇衆理會。一貫。智周萬物。權綱維。緝熙
聖學。已富有。日新。

盛德無纖疵。宅心天淵。主誠敬。

深宮夙夜。常思維。上承。

歡顏下教育。周文止孝復止慈。政修事舉備
制度。化行俗美歌關雎。發揚理道闡
經義。異學祛掃淫詖辭。

萬幾有暇博典籍。坐忘日影移。

龍墀新民明德著功效。烟雲落處心手
追。古來人君偶染翰。紅袍筆寫屏風
詩。雲藍側理咏風月。豈與政治相培

裨何如

聖人動合道。令德顯與人民宜。願勒金石

賜學校。億萬萬載爲

君師。

恩頒

御苑各色牡丹敬讀

聖製恭賦

蔣廷錫

選取名花種。移將

御苑栽。萬枝雲錦合。五色畫屏開。深淺隨風

見。高低映月來。

皇情吟咏處。草木感

恩培。

恩賜

御書敬業堂扁額恭紀

查慎行

清暑時多暇。

行宮日正長。

君王親翰墨。侍從沐

恩光。是璧皆盈尺。如椽總倍常。因

心成變化。運肘

示端方。山海峰濤壯。龍鸞爪翅張。

堯文開盛世。

義畫掩前王。

帝賚優無比。臣衷懼莫當。身雖依廣廈。家本

住窮鄉。憶在兒童日。親隨子弟行。長

貧惟立壁。短晷或然糠。風雨留先築。

柴荆指舊莊。業傳慚肯構。敬止念維

桑。幸獲支門戶。終難荷棟梁。數椽天

一角。

萬歲字中央。鄰叟來扶杖。姻親賀滿堂。承家期世守。祝

國永無疆。

賜觀

御書大學經傳恭紀

查慎行

昭代文明啟。吾

皇政化隆。熟精洙泗理。大闡聖賢功。

胞與周民物。

幾康謚始終。一經

神默契。十傳語全融。堯典推明德。湯盤視祓

躬。孝慈爲世則。好惡與人同。異說歸

淵鑒。羣儒仰折衷。欲令聲振鐸。端賴

筆抒虹。

心法由誠正。書源本貫通。

學仍窮祕笈。

勤不輟

行宮。滌硯龍窺沼。

揮毫鳳舞空。淋漓雲氣外。披拂柳陰中。星斗

天垂象。山泉

帝發蒙。

教傳先胄子。

寵示逮臣工。偏黨消。

皇極。維持長士風。

頒應徧鬢序。

澤自被西東。

睿藻光何煥。

王言義必充。

卷末有

御製跋語。

道宏該創守。力厚闢鴻濛。義畫傳同遠。箕疇

演並崇煌煌

治平業萬古照蒼穹。

賜西苑八直諸臣

御書扇臣慎行得

聖製泊惠山詩恭紀

查慎行

珍重傳

宮扇輝煌徧直廬。

皇朝詩林典故 卷三十五
賜當清景下。頒及午風餘。應候知開闔。無塵
待掃除。未秋涼已襲。纔夏暑先祛。

駐蹕留佳詠。分行灑

御書。恍疑泉到耳。真覺翠浮裾。墨氣生濃淡。
烟光動卷舒。終身懷袖裏。長似拜

恩初。

恩賜翰林院講讀編檢諸臣松花江綠石硯

中使宣

旨查慎行吳廷楨廖賡謨宋至吳士玉五人
向在武英殿纂修著揀式樣佳者給與

臣

慎行得夔龍大硯一方恭紀

查慎行

砥石青山麓。松花碧水濱。天文聯析
木。地產富琳珉。蘊作巖間璞。來爲席

上珍。自蒙官采擇。頓發玉精神。有用

逢時出。無瑕抱質純。性剛偏激潤。膚

膩不留塵。露氣鮮流葉。波光綠漾蘋。

銘辭周雅古。背有御銘。其辭曰。以靜爲用。是以永年。

形製

帝鴻新。規矩方圓合。廉隅節角勻。雕龍由哲

匠。篋鳳賁儒臣。賜硯有泥金漆匣憶昨隨

班入。曾經拜

賜頻。

前在

內廷兩

頒賜。

喻麋兼月給。裴几亦時

陳。延閣披香夕。山莊珥筆晨。詩多呈

乙覽。賦每達

楓宸。自罷

文昌直。仍叨竊祿因。微勞蒙記憶。末路

慰沉淪。

優旨宣中使。

殊榮逮五人。枯魚咸仰澤。病樹稍知春。臣分

增慚慙。

君恩視笑嚬。捧歸憐手顫。增重爲

絲綸。

恩許扈從諸臣戴草笠

查慎行

臺笠都人制。黃冠野服姿。直疑雲覆

頂。不怕雨催詩。涼燠俄能換。陰晴兩

自宜。從臣齊戴德。美蔭荷

皇慈。

駕發藍旗營。乘舟網魚

命臣等沿河騎隨

賜鮮鯉人各一尾恭紀

查慎行

雪光晶晶山稜稜。千山映雪朝日升。

灤河之水暖不冰。剡舟剡楫凌空去。

三丈黃龍

帝親御。川后前驅風伯助。峽形漸束波愈清。

潛鱗帖帖何敢驚。人聲不聞聞水聲。

須臾船重

皇情樂。銜尾駢頭來繹絡。八絃一張魚載躍。

鰓鱗鰕鯉旨且多。義不盡取收網羅。

滿渠新漲餘天波。詞臣拜

恩已無算。復賜紅鱗長尺半。馬上攜歸萬人
看。

賜玻璃眼鏡恭紀二首

查慎行

玉比晶瑩鏡比圓。一時披豁睹青天。
明珠吐暈泥沙外。燭火分光

日月邊。名紙尙堪題細字。祕書仍許對新篇。

此生視息真何幸。雙眼摩挲敵少年。

霽月光風在紫垣。海西佳製

賜頻煩。潭空秋水清無底。壺貯春冰薄有痕。

絕勝金鎰除脆膜。不須藜杖照黃昏。

曾經隔霧看花後。老戀餘光盡

主恩。

閏三月二十一日蒙

恩召入

淵鑒齋乘舟至

瑞景軒

蕊珠院

露華樓徧觀各種牡丹恭紀四首

查慎行

宣喚欣承異數加。高從

雲漢泛仙槎。行陪閬苑神仙侶。看徧春風穩。
重花。濃淡何心隨造化。丹青難貌是。
韶華。梅檀。
別殿分明到。只作華胥好夢誇。

艷極真宜過雨看。枝頭蕭蕭尙朝寒。
盤盂向背開瓊扇。瓔珞高低現寶鬘。
白日光中雲五色。明波濯處錦千端。

天邊頃刻成新瑞。點出靈砂九轉丹。
萬卉千葩未覺稠。掃宮老監記牙籌。
薌林不斷通三島。花海無邊際十洲。
佳氣茵蔯蒸作霧。餘霞縹緲結成樓。
蕊珠一本尤奇絕。徑尺重臺兩並頭。
瑤階鉅砌望迴環。映徹層層著色山。

御譜新標題品外。

花名凡九十餘種。皆

皇上新定。

佳名

皇朝詩林典故 卷三十三
微別淺深間。心如草木春知閏。天並
君王霽在顏。一片爐烟成百和。袖中攜得國
香還。

連日

賜鮮魚恭紀

查慎行

銀鬣金鱗照坐隅。烹鮮連日

賜行廚。感踰學士蓬池鱸。味壓詩人丙穴腴。

素食餘慚留七箸。加餐遠信慰江湖。

笠簷蓑袂平生夢。臣本烟波一釣徒。

皇朝詞林典故卷三十五

皇朝詞林典故卷三十六

藝文

詩

駕幸暢春園西門外設西洋儀器測地之圖

召臣昇臣

名世臣灝臣

國維侍側敬觀恭紀

賈國維

茫茫俯坤輿。禹甸修且阻。高低互縱

橫。寥廓安能數。譬彼大海中。曠然無
定處。丈尺不勝紀。方隅多錯迕。吾

皇睿算奇。儀象空前古。圓轉密神機。造化握

靈府。芳時肅

步輦。藹藹臨芝圃。翠蓋交遠峯。晴山寫

眉嫵。

玉案面平疇。周原曠以臚。不用長房術。

無勞章亥武。器制稍羅列。分條而晰
縷。圭臬互窺測。方圓中累黍。阡陌指
掌收。了了畫在楮。尺幅盡遠勢。毫釐
無齟齬。乃知天地大。本自就規矩。

聖衷妙神契。新裁出機杼。

臣

本草莽人見聞

陋環堵。往者讀天官。茅葦塞肺腑。候
地與渾天。徒然守訓詁。幸哉覩奇構。

峩然列寰宇。陋彼守敬製。璇璣差可
伍。願言勒蕪詞。冀以示來許。

壬辰分校禮闈揭曉

御賜松花石硯一方趨

西苑謝

恩恭紀長句

彭廷訓

才喜開簾歸沐日。又催

賜硯謝

恩時四旬新命遲金榜。

揭曉展限十日。

三錫殊榮拜

玉墀自矢

臣

心堅比石仰窺

睿藻暇臨池。况饒春澤霑霜鬢。壽古

銘辭慰寸私。

是年

臣

父年九十。母八十。仰瞻

銘辭感

恩更切。

賜裘恭紀

鄭任鑰

短褐青衫隱纈紋。忽從

皇朝詩林典故 卷三十一
天上借氤氲。輕於柳絮團香雪。白似梨花蘸

暖雲。曳練全欺宮錦燦。章身常帶

御爐薰。朝來便覺陽和滿。濡墨

螭坳當策勛。

侍直

南書房恭紀

張大受

未識蓬萊路。虛爲翰墨臣。舉頭初近

日著眼總成春。佳氣湖山藹。薰風草木新。儒
衣欣橐筆。恰值禊遊辰。

濟濟來

西苑。平明入

禁中。香飄知

輦過。澤遠覺舟通。內侍擎金碗。親軍拓
寶弓。晚歸鴉遶樹。光耀幾人同。

十月十二日承

詔選錄宋金元明四朝詩次日

起居注館宣

旨恭紀二首

顧嗣立

四部紛綸羣玉堆。編摩首

命並蘭臺。

奉

旨以嗣立領四朝詩館之首。

似憐詩是

臣

家事。特地恩從

天上來。僞體別裁回格律。殘編採掇拂塵埃。

英華文苑猶能續。滴露研硃意未灰。

詞章結習是前因。碌碌甘隨十九人。

同館被

命

者共二十人。故云。卷列四朝詩作史。

地分三館德爲鄰。

是日歷代詩餘廣羣芳譜二館亦同

宣旨

西清東觀爐烟近。黃帕牙籤硯影新。回

三朝詩林典故 卷三十一
憶問邱著書處。冷螢幽蠹落松筠。

館選日恭紀

胡煦

英才魚貫待諮諏。列侍隨班次第搜。
鸞鳳有毛終見賞。鸕黃出色便殊尤。

聖神久識鍾靈異

睿智兼聞敏學優。却愧小臣知解陋。一承

清問一綢繆。

是日蒙
三次於

恩召見
澹寧居講易。

入直

南書房恭紀

胡煦

元符啟天苞。微言迪聖譚。經筵旣紛綸。道筦競闡釋。熙若天下春。懿哉身

中易觀文

大化咸。憲古小儒亦。呼寐飲三爻。搜佚到八索。動靜詮精神。呼吸證翕闢。圖從先

天繪卦溯太初畫。時訪賣醬翁。間諏
負苓客。差幸聞也。咫居然隨有獲。嘯
咏菽蓿齋。憩息薜荔席。十科屢計偕
六旬始通籍。福地躋蓬瀛。文府緬鄒
嶧。遂荷

三接恩。仰企

重瞳懌。

恩華逮龍鐘。

禁直厠鸞掖。自惡樗櫟材。曾何涓塵益。
雖升江泌梯。未受充宗石。

謨訓頌

天亶。理解澈淵蹟。遂探景鸞輿。兼肄程秉摘。
聚雪習筮著。飛候勤演策。別傳叩爐
火。小言喻果核。智慧瑩心珠。醴粹味。

觴醴儀鄰炳斯今。管蠡悔平昔。同官

盡雋望。元台况耆碩。

謂安溪相國。

履蹈道

義門。涵咏神明宅。妙蘊資之深。夙疑

渙然釋。願以炳燭明。勉希列宿摭。德

勗年彌高。名由善攸積。服習

皇極言。訓行思無斁。

賜課忠堂扁額恭紀

魏廷珍

義皇寶畫妙驚神。拜

賜南薰侍從臣。課校子孫奉清白。忠傳家世

報

君親。龍涎初試金壺汁。鳳尾長拖玉案新。字

法由來本

心法。星流雲布照千春。

入直

南書房恭紀

張廷璐

秘閣深嚴地。文窗接

御墀。侍臣趨直後。中使下簾時。釵砌朝烟散。

金莖曉露滋。熏鑪珍鵲尾。斐几淨烏

皮。綳帙光浮動。瑤函錦陸離。闔瀛仙

侶集。宛委異書窺。珠箔香雲繞。銅壺

漏點遲。調蘭分法膳。膾鯉出蓬池。細

果金盤飭。香杭玉粒炊。魚依

靈沼荇。鳥借

上林枝。自顧驚駘質。深慚山澤姿。一門

恩愈渥。兩世遇尤奇。守拙承先訓。懷迂荷

主知。簪毫慙視草。向日願傾葵。鉛槧當清晝。

編摩矢寸私。叨陪鴛鴦後。拜首頌

皇慈。

十月二十日蒙

賜

御筆鼓吹休明扁額恭紀

張廷璐

隔花宮漏聽紆徐拜荷

恩綸在直廬。

文教欣逢光被日。

天章驚捧擘窠書。深慚瓦缶宜田舍。得傍金

鐘列

御除飛白玉堂誇盛事。

微臣

榮幸更何如。

恩賜良馬恭紀二首

張廷璐

詔下天閑錫玉驄。

君恩霑被及微躬。垂鞭特選調良騎。攬轡深

慙矍鑠翁。雁塞霜高看躡影。榆關秋

老聽嘶風。

龍旗豹尾雲深處。欵段常隨

羽衛中。

霧鬣風髯氣正道。清班拜

賜比通侯。駑駘久慕歸山侶。神駿偏邀逐電
儔。

內廐已辭金埒地。貧家安有碧紗幬。他
時林壑投閒日。仰秣常懷

主澤優。

甘霖普降

特召大學士內廷翰林

圓明園泛舟恭紀

徐本

甘霖昨喜徧郊畿。

詔許新晴覽翠微。萬井膏腴方被澤。一園草

木已含暉。波隨櫂影初生縠。涼沁荷

香暗襲衣。幸奉

宸遊瞻

睿藻。遂歌寧止翫芳菲。

前蒙

恩賜園林復荷

御題絢春園額誠異數也因用杜工部重遊

何將軍山林韻五首

尹繼善

別墅蒙

恩賜嘉名仰

御書微軀慙廣廈。隨意愛遽廬。窗淨多臨水。

心安不羨魚。退思時自警。惟恐似懷

居。

春過園仍絢。名葩手自移。簾深穿燕

子。樹密語鶯兒。隔岸青連圃。當窗綠

滿陂更從三徑外。高下竹編籬。

遙峯疑翠靄。最好夕陽時。探勝常攜

友。怡情亦詠詩。亭仍依舊址。柳又颺

新絲。孰有登臨興。相招指後期。

漫謂西齋小。偏宜夏日長。層陰添幕

帟。綠茗試旗槍。時疊爲山石。聊謀飼

鶴梁。已堪稱有美。何事更堂皇。

扁舟原不繫。知足度餘年。花接蓬瀛樹。池分

太液泉。閒遊無藉杖。退食似歸田。何以

酬

恩遇。捫心益歆然。

恭和

御製大學士尹繼善隨園請詩走筆成什調

之元韻

尹繼善

秋園雨後正和風白首橐鞬傍

玉驄。

雕羽乍騰千樹杪。蒼麋連獲萬山中。穿

楊有忝空馳馬。負弩無才學執弓。列

隊名藩齊抃舞。多能

天縱復誰同。

甘霖普降

特召大學士內廷翰林

圓明園泛舟恭紀

汪由敦

甘霖優渥徧西疇。

御苑迎涼宿靄收。曲澗新添波渺渺。連

塍喜見黍油油。撫時最愛時方永。望

歲先占歲有秋。

三言詩本典故 卷三十一
特詔頒來石渠閣

殊恩許泛木蘭舟。滄池細浪凌空遠。瑤島深

林積翠浮。萬頃波澄涵

帝澤。一帆風正愜

宸遊。芰荷香裏移丹鷁。楊柳陰中起白鷗。倒

影樓臺依碧漢。親人魚鳥宛中流。烟

霞地迴忘三伏。圖畫天開儼十洲。到

眼風光原浩蕩。移情水木足清幽。欣

看灑翰

天章麗更識勤農

睿慮周何幸賡颺叨

異數濟川良遇愧難酬

五月五日

勤政殿侍班和同直錢學士陳羣韻

汪由敦

侍直當佳節。聯鑣有德鄰。招呼聽隔

舍。導從歷重闈。柳暗張高幄。蒲新簇

細茵。軒車趨紫陌。鐘漏出

丹宸。延接登三事。臚傳輟九賓。

御門聽政不設臚

贊與大朝驗時陽正午。測景日加辰。列仗不同。

勲衛分行整。封章次第陳。禮從朝典

肅事必憲章循。晬穆瞻

當辰。疇咨逮列紳。

睿謨思作聖。

天聽智如神。密勿叅承旨。機樞慎演綸。金盤

催

賜膳羅帕更分珍。出入隨元老。

各部院面奏及引

見畢。則侍班諸臣皆退。惟講官留侍。俟折本請旨。同閣臣俱退。

霑濡忝近臣。差肩前輩重。

初命職司親。旅進神俱斂。迴班氣載春。草侵

橋外路。樹拂苑中人。攜袖香仍滿。垂

鞭馬自馴。薰風迎面快。斜照候歸頻。

珠玉傳高唱。雲霄接後塵。年時徵吉

夢一一證前因。

上年春仲。學士夢與
余同直講。幄及是

果符

所夢。

恩賜福字恭紀

汪由敦

宸章百幅散雲烟。禁直欣蒙異數偏。寶墨香

含仙露潤。彩箋紅映日華鮮。捧來

玉案榮三錫。懸向芝楣耀九天。

聖澤無疆時斂福。承

恩恰喜值元年。

行宮蒙

賜佛手柑一盤恭紀

汪由敦

佳實曾陳玉案旁。冰瓷擎出沐

恩光。賜從秋塞風霜老。貢自炎天道路長。名

美並標仙掌秀。色深遙映

御衣黃。縹囊什襲歸裝穩。留對黃花共晚香。

甘霖普降

特召大學士內廷翰林

圓明園泛舟恭紀

彭啟豐

雨餘清暑淨塵埃。優渥歡聞徧八垓。
祇爲

熙時同樂愷。故教長日豫追陪。珍禽睨
睨隨旌舞。文藻參差引櫂來。一派玉
泉新漲滿。田疇霑潤及根荄。

上林風景畫圖工。倒影樓臺萬象中。秀

簇方壺瞻眺遠。思深

太液泳游同。涼飈拂處榆槐綠。綺浪翻

時菡萏紅。仰觀

宸章親灑翰。作舟還重濟川功。

宵旰殷懷若雨暘。

萬幾遊覽悅時康。臣鄰一德觀元化。

禁近承恩覲

帝光。繞楫鳬鷺澹容與。忘機鷗鷺共游翔。欲
知圖繪幽風意。早盼黃雲稻隴香。

十年珥筆侍

彤墀。霄漢金莖湛露滋。披拂薰風曾奉
詔。霑濡甘雨又乘時。蓬瀛勝景身方到。山水
清音聽始知。天上招涼鎮無暑。晝長
刻漏轉遲遲。

賜筆墨恭紀

彭啟豐

牙管當年月給雙。盈箱拜

賜映瑤窗。虛中運畫圓無頗。象意懸鋒健獨

扛。載筆久慙陪柱史。生花虛夢照銀

缸。鼠鬚麟角休誇異。五色才思不羨

江。

天都石液潤雲腴。貢入

蓬萊世所無。已覩一九龍脊映。更攜十
笏豹囊俱。漢丞舊事隄糜貴。畫史新
評點漆殊。灑地若成蝌蚪字。萬言道
德罄金壺。

恩賜

御書東澗野泉添碧沼。南園夜雨長秋蔬。對

聯恭紀

彭啟豐

琉璃匣啟墨紋新。次第

揮毫逮近臣。書譜不知

天縱事。超驤草聖已稱神。

日月舒華雲漢回。祥光飛舞下蓬萊。追思祖

澤承

恩渥。曾拜

先皇翰墨來。

康熙癸未乙酉。臣祖定求雨蒙賜御書。

一灣碧沼少塵侵。東澗潺湲繞竹林。
添得源頭生長意。

恩波更比野泉深

家住南園小隱棲。何由好句入

宸題。滄浪一夜霏霏雨。春稼秋蔬種已齊。

臣家

在南園故址。縈帶田疇。

澗沼。賜句恰合。

驪珠十四得雙聯。共道榮光夜燭天。

可得家園娛侍彩。斑衣分染齊歡天。

御鑪烟。

元旦朝賀

壽康宮侍班恭紀
彭啟豐

春回綵仗簇鸞旗。紫殿歡聲繞玉墀。

八表同賡元日頌。

九重親祝

萬年禧。銅龍景麗雲呈縵。寶鼎香清篆裊遲。
聖孝雞鳴勤視膳。閤門繡帖藹重帷。

上元筵宴侍班恭紀 彭啟豐

麗景芳年換。離宮曲宴開。華燈輝繡
帖。爆火引春雷。帔舞階前列。簫聲天
上迴。外藩隨忭賀。齊捧萬年杯。

碧沼猶凝凍。條風已送春。金莖傾露

皇朝詩林典故 卷三十二
渥玉盒鬪時新。象衍魚龍隊。香氤錦
繡塵。光華映珂佩。陪讌逮詞臣。

鰲山屏障列。朶殿曉雲晴。鳳集星橋
迴。龍銜火樹明。門喧角觝戲。村聽打
毬聲。總是昇平景。壺天覽八瀛。

璣上春星轉。窗中花眼含。新

恩懷賜綺。

乾隆戊午宴詞臣。

特賜蟒緞。

舊事紀傳柑香

案雲邊捧。驪珠月裏探。頻將踏歌句。
流美到江南。

賜荔枝恭紀

鄒一桂

天上三漿味人間一品紅。移根來

上苑。帶葉

賜離宮。色映

彤庭旭。香生

紫殿風。侍臣歡捧日。長此勵丹衷。

舊譜珍仙品。

新恩得賜嘗。所生原福地。得氣在炎方。不事

徵飛騎。偏宜上小航。試看香色味。何

異嶺南鄉。

外具丹砂質。中含冰雪姿。

君恩分及此。臣節凜如之。玉醴應同醉。晶丸

未足奇。不須呈諫果。飽德。

太平時。

日噉誇三百。斯言聞子瞻。蘸鹽翻覺
澹入蜜轉非甜。懷核常心喜披圖欲
手拈。還應憑繪事。彩筆記。

恩霑。

賜

御筆梅花恭紀

鄒一桂

御筆頒來賜

小臣

冰姿勁節勵惟寅。毫端翠

滴三霄露。筆底烟含萬卉春。曼韻清

如承玉佩。古香高捧出

楓宸。白慙采繪曾無補。欲步熙筌愧後塵。

睿藻紛披出五雲。錦囊開處瑞氤氲。丰姿磊

落逾承旨。骨氣清嚴過右軍。玉軸金

籤臨虎觀。赤符雲篆。賁龍文。晚香圖。
就成三友。花譜翻新迴出羣。

自打箭鑪監工事竣復

命入都蒙

恩補授少詹事恭紀

趙殿最

遠役西邛返。新銜右衛除。馳驅慙直
指。輔翼備端儲。選與瀛洲外

恩涵少海餘。

舊制漢詹事之職。皆由翰林遷授。今殿最以按察使特荷。

改除。洵

異數也。

承華翔步處。何以報

宸居。

自昔疑丞設。清班重總司。不圖陳臬

事。還許列華資。郭賀褰帷後。桓榮綰

綬時。愧無稽古力。逾格感

隆施。

皇朝詞林典故卷三十六

皇朝詞林典故

卷三十六 藝文

三

皇陳隨林典故卷三十六

按察使特荷

異數也

承華翔步處何以報

宸居

自昔疑丞設清班重總司不圖陳泉

事還許列華資郭賀囊帷後恒榮紹

綬時愧無稽古力逾格威

隆施

